


**Granmaa banaana dem**



- ✎ Ursula Nafula
  - ✉ Catherine Groenewald
  - 📄 Georgette McGlashen
- 🗨️ Patwa Jam



**Global Storybooks**  
[globalstorybooks.net](http://globalstorybooks.net)

**Granmaa banaana dem**

- ✎ Ursula Nafula
- ✉ Catherine Groenewald
- 📄 Georgette McGlashen




This work is licensed under a Creative Commons  
[Attribution 3.0 International License](https://creativecommons.org/licenses/by/3.0).  
<https://creativecommons.org/licenses/by/3.0>







Granmaa gyaadn did nais-nais, fol a sogm, milet, an kasaava. Bot di bes a did di banaana dem. Alduo Granmaa did av nof granpikni, mi di nuo anda di kwaiyat se mi a did ar fievarit. Shi mek mi kom a ar yaad aal di taim. Shi tel mi likl siikrit tingz. Bot shi did av wan siikrit we shi no tel mi: which paat shi mek ar banaana dem raip.



Lieta inna di iivnin mi mada an faada kaal mi, an Granmaa. Mi did nuo a fi wa. Da nait de az mi lie dong fi sliip, mi nuo se mi kudn tiif agen, no fram granmaa, no fram mi pierens an fi shuor no fram nobadi els.




Wan die mi si wahn big schraa baaskit inna  
di son outsaid a Granmaa ous. Wen mi aks  
ar se a we it fa, di ongl ansa mi get a did,  
"a mi majik baaskit." Said a di baaskit, a di  
nof banaana liif we Granmaa ton uova  
evritaim. Mi did wel waahn nuo a wa. "We  
di liif dem fa, Granmaa?" mi aks ar se. Di  
ongl ansa mi get a did, "Dem a mi majik  
liif dem."



Di neks die a did maakit die. Granmaa wiek  
op ori. Shi alwiez kyari raip banaana an  
kasaava go sel a di maakit. Mi neva ori op fi  
go luk fi ar da die de. Bot mi kudn avalid ar  
fi lang.




It did intrestin fi wach Granmaa, di banaana dem, di banaana liif dem an di big schraa baaskit. Bot Granmaa sen mi go tu mi mada fi go du sopm. "Granmaa, du, mek mi wach we yu a go mek..." "No bi aadiezi pikni, du we mi tel yu fi du," shi se siiros. Mi ron go.




Di neks die, wen Granmaa did inna di gyaadn a pik vejitebl, mi sniik go iihn an luk pan di banaana dem. Nieli aal a dem raip. Mi kudn elp bot fi tek a bonch a fuor a dem. Az mi a tiptuo go a di duor, mi ier Granmaa a kaaf outsaid. Mi bieli manij fi aid di banaana dem anda mi frak an waak paas ar.

Wen mi kom bak, Granmaa did a siddong  
outsaid bot sho neva av no baaskit ar no  
banaana. "Granmaa, wich paat di baaskit  
de, we aal a di banaana dem de, an we..."  
Bot di ongl ansa mi get a did, "Dem de  
inna mi majik plies." Mi did disapaintidi!




Di neks die wen Granmaa kom vizit mi  
mada, mi buolt go a ar yaad fi chek di  
banaana agen. Wahn wel raip bonch did  
de de. Afta mi kova di baaskit agen, mi go  
biyain a di ous an it wan kwik-kwik. A did di  
swiitis banaana mi eva ties.





Tuu die afta dat, Granmaa sen mi inna ar bedruum fi ar waakin stik. Az suuhn az mi uopm di duor, wahn schrang raip banaana smel lik mi. Pan di insaid a di ruum a di Granmaa majik schraa baaskit. It did wel aid wid wahn uol blangkit. Mi lif it op an tek iihn di nais-nais smel.



Granmaa vais fraitn mi wen shi kaal mi, "We yu a du? Ori op an bring mi stik kom." Mi ori op an kom out wid ar waakin stik. "We yu a smail bout?" Granmaa aks se. A wen shi aks mi riyalaiz se mi stil did a smail bout ou mi fain out ar majik plies.